

夢禹欲脫世榮殺人之罪偽據不用文記用情故縱情狀判然觀察使以世榮不用文記以為雖不依法經官奴主之名已定以死囚推考與否蒙宥當否粘移刑曹取決而刑曹官吏等詳見作文知其非奴主之間而以家長不告官司毆殺者之律用情故縱皆不可不徵其時觀察使等及刑曹堂上色郎請並先罷後推傳曰先罷則不可推考可也餘亦不允○日暈○乙酉憲府啓前事不允○夜北方有氣如火○丙戌憲府啓前事不允○丁亥御朝講司諫朴洪鱗曰士習不正未有甚於此時故出身之初先有利祿之心新及第之人其於應擄前請於勲府圖付參上之職其求之而不得者則持單字奔走請乞不恥如此不可不推領事金謹思曰兩界邊方人物凋殘故至今下三道人民移入實邊而威鏡道人民避役而流入江原道雖小邑幾至百餘戶若此不禁則威鏡一道將為空虛請下諭于江原道監司待秋成刷還上曰其言于該曹○傳曰忠清道觀察使金楊震推官李弘幹朴夢禹等其並罷職○憲府啓前事不允○日暈○戊子憲府啓前事不允○以洪彥弼為京畿觀察使黃士祐為刑曹參判尚震為司諫院大司諫許沆為弘文館副提學尹豐亨為直提學○日暈○庚寅日暈○辛卯